

Broj: 6012

Datum: 01.09.2023.

Na osnovu člana 47. Statuta JKP „Visoko“ d.o.o. Visoko (*broj 127-S od 17.11.2022. godine*), a na osnovu provedenog Javnog poziva etažnim vlasnicima objekata kolektivnog stanovanja za sufinansiranje projekata energetske efikasnosti stambenih zgrada (*broj 3929 od 13.06.2023. godine*) i 3987 od 15.06.2023. godine), direktor preduzeća donosi

### ODLUKU

**o odabiru korisnika sredstava na osnovu provedenog Javnog poziva etažnim vlasnicima objekata kolektivnog stanovanja za sufinansiranje projekata energetske efikasnosti stambenih zgrada**

#### Član 1.

Pravo na korištenje sredstava na osnovu provedenog Javnog poziva etažnim vlasnicima objekata kolektivnog stanovanja za sufinansiranje projekata energetske efikasnosti stambenih zgrada (*broj 3929 od 13.06.2023. godine*) i 3987 od 15.06.2023. godine), ostvarila su 2 aplikanta, i to etažni vlasnici objekata kolektivnog stanovanja koji se nalaze na sljedećim adresama:

1. ul. Musala br. 17/19 , kućni savjet broj 69, u iznosu od 18.630,00 KM
2. ul. Donje Rosulje 32/34/36/38, kućni savjet br. 60/60A/62/62A u iznosu od 61.859,24 KM.

#### Član 2.

Sredstva iz člana 1. ove Odluke osigurana su na osnovu Sporazuma o realizaciji sredstava iz Budžeta Grada Visoko za 2023. godinu (*broj 1923 od 24.03.2023. godine*).

#### Član 3.

U skladu sa ovom Odlukom, sa odabranim aplikantima zaključit će se ugovor u kojem će se utvrditi iznos odobrenih sredstava, uslovi i način korištenja dodijeljenih sredstava, vremenski rok za realizaciju projekta, način plaćanja i kontrole namjenskog korištenja dodijeljenih sredstava, te ostala međusobna prava i obaveze.

#### Član 4.

Ova Odluka stupa na snagu danom donošenja i ista će se objaviti na internet stranici JKP „Visoko“ d.o.o. Visoko: [www.jkpvisoko.ba](http://www.jkpvisoko.ba), a svi učesnici će biti pismeno obaviješteni o odabiru korisnika sredstava.

### Obrazloženje

JKP „Visoko“ d.o.o. Visoko je u skladu sa Sporazumom o realizaciji sredstava iz Budžeta Grada Visoko za 2023. godinu (*broj 1923 od 24.03.2023. godine*) objavilo Javni poziv etažnim vlasnicima objekata kolektivnog stanovanja za sufinansiranje projekata energetske efikasnosti stambenih zgrada (*broj 3929 od 13.06.2023. godine*) i 3987 od 15.06.2023. godine), dana 13.06.2023. godine na internet stranici [www.jkpvisoko.ba](http://www.jkpvisoko.ba). Na objavljeni Javni poziv je dostavljeno 5 prijava, i to:

- Ul. X Novo Naselje br. 12, KS 43
- Donje Rosulje 28/30, KS 59
- Musala 17/19, KS 69
- Donje Rosulje 32/34/36/38, KS 60/60A/62/62A
- Naselje Luke II br. 9, KS 83.



Sve prijave su blagovremeno dostavljene.

Analizu pristiglih prijava izvršila je Komisija imenovana Odlukom o imenovanju komisije (broj 4959 od 25.07.2023. godine). Komisija je dana 17.08.2023. godine, dostavila Izvještaj o provedenom postupku sa rang listom uspješnih aplikanata. Komisija je radi utvrđivanja formalno-pravnih uslova, otvorila sve pristigle prijave, utvrdila da li su podnesene blagovremeno, da li se odnose na predmet javnog poziva, da li su podnesene od strane korisnika sredstava na koje se javni poziv odnosi, te da li je uz prijavu dostavljena dokumentacija tražena javnim pozivom. Na osnovu izvršene analize prijava komisija je ustanovila sljedeće:

a) prijave koje ispunjavaju sve uslove Javnog poziva:

- ul. Musala br. 17/19 , kućni savjet broj 69
- ul. Donje Rosulje 32/34/36/38, kućni savjet br. 60/60A/62/62A.

b) prijave koje ne ispunjavaju uslove Javnog poziva:

- Ul. X Novo Naselje br. 12, KS 43:
  - nije dostavljen predmjer i predračun radova u skladu sa Javnim pozivom. Dostavljena je neovjerena kopija ponude Obrt Knauf broj 000003/22 od 27.05.2022. godine. Javnim pozivom je propisano da priloženi dokumenti trebaju biti original ili ovjerene kopije ne starije od 6 mjeseci, osim gdje je drugačije naznačeno;
  - nije dostavljena Odluka o imenovanju predstavnika etažnih vlasnika / prinudnog predstavnika etažnih vlasnika. Dostavljena je samo neovjerena kopija 1. stranice Ugovora o održavanju i upravljanju zajedničkim dijelovima i uređajima zgrade.
- Donje Rosulje 28/30, KS 59
  - predmjer i predračun radova dostavljeni za stiropor debljine 5 cm, a Javnim pozivom definisano da je mjera za koju se dodjeljuju sredstva “postavljanje termo-izolacione fasade minimalne debljine 10 cm“;
- Naselje Luke II br. 9, KS 83
  - Izjavu o prihvatanju uslova participiranja na projektu implementacije mjera energetske efikasnosti na objektima kolektivnog stanovanja, je potpisalo 52,6 % etažnih vlasnika, a uslov je bio potpis minimalno 75 % etažnih vlasnika;
  - nije dostavljena odluka o imenovanju predstavnika etažnih vlasnika / prinudnog predstavnika etažnih vlasnika.

Na osnovu Izvještaja komisije, izvršenog bodovanja i rang liste uspješnih aplikanata, utvrđeno je da tražena sredstva ne prelaze ukupan iznos predviđen za sufinansiranje, te je odlučeno da se uspješnim aplikantima odobri ukupan traženi iznos sufinansiranja. Shodno navedenom, odlučeno je kao u dispozitivu ove Odluke.

Protiv ove Odluke svaki učesnik Javnog poziva kojem nisu odobrena sredstva može podnijeti prigovor u roku od 5 dana od dana prijema ove Odluke.

Dostavljeno:

- Džezo Amra, ul. X Novo Naselje br. 12, KS 43
- Hajrić Edžnan, Donje Rosulje 28/30, KS 59
- Alibegović Mirsad, Musala 17/19, KS 69
- Semić Mahira, Donje Rosulje 32/34/36/38, KS 60/60A/62/62A
- Konjičanin Esad, Naselje Luke II br. 9, KS 83
- Odjel za poslove finansija i javnih nabavki
- a/a

Direktor 1  
  
Hadžialić Almir, dipl.ing.građ.